

浮山縣志

晉城任耀先署簽



石集

交	教	村	公	城	建
	育				置
通	下	政	署	池	革
商	實	教	黨	山	縣
		育			
務	業	下	政	川	域

浮山縣志卷三

建置沿革

古今之地形不移歷代之沿革各別紀邑乘者重沿革蓋沿革明而他類胥準是焉浮山在唐虞為畿內地自郡縣立而隸屬不常今覈史志輿圖暨舊乘繇唐虞迄今詳列於左志
建置沿革

唐屬冀州堯始封唐後都焉在禹貢冀州之域即今平陽府近畿為

甸服地

虞屬冀州舜以天下為十二州首日冀州舜都蒲坂在冀州域內仍甸服地本丹朱食邑

浮山縣志

卷三 沿革

一

夏承堯復治九州禹都安邑在冀州域內仍甸服地

商承禹更制中國亦為九州冀州如故仍隸冀州

周初分天下為九畿通考周禮職方氏辨九州之國河內曰冀州

仍隸冀州

春秋時屬晉

按括地志舜封堯後裔於唐成王時唐有亂周公滅之遷堯子孫於杜在今定州唐縣謂之唐杜氏成王即以唐地封弟叔虞唐叔子燮父改國曰晉唐改晉自此始

戰國時屬魏

秦分天下為三十六郡置河東郡縣隸之

漢仍為河東郡始置襄陵縣以晉襄公趙襄子陵名隸司隸校

尉新莽改為擒昌

後漢仍舊

三國曹魏析河東郡始置平陽郡縣隸之

晉襄陵縣地屬平陽郡隸司州志舊本縣皆在封邑為附郭地志舊

偽漢劉淵稱漢都平陽劉聰以其地入襄陵縣

北魏仍為襄陵縣地屬晉州平陽郡志舊北魏置葛城縣改平陽

郡為唐州尋改晉州縣隸之太武始光四年擒赫連昌於此

又於晉州東北置擒昌縣而以葛城省入焉按魏地形志無葛城縣

北齊隋地理志齊併襄陵入擒昌縣志舊文宣天保七年移擒昌

入襄陵并其名為擒昌縣

後周因之志舊後周取葛城故地為郭城縣志府取故郭城縣為浮

浮山縣志

卷二 沿革

二

山縣隸晉州郭城今俗名故縣

隋初改平陽為平河郡尋廢大業初置臨汾郡三年仍改襄陵

縣屬臨汾郡隸冀州後復改為平陽郡縣隸之志舊隋省郭城

縣入襄陵縣屬平陽郡尋改郡為晉州按隋志無郭城縣

唐初屬晉州後隸平陽郡按舊唐書武德二年析襄陵置浮山

縣四年改為神山以縣東南羊角山神見為名屬河東道晉

州新唐書本浮山以老子祠更名志舊以襄陵地廣析置浮山

縣遂徙襄陵於汾水西割東北一帶地隸浮山因故郭城舊

址建治焉開元又改浮山為神山縣

五代胥為晉州志舊唐莊宗同光二年自郭城舊治移今治屬建

雄軍

宋初屬晉州政和六年陞晉州為平陽府屬河東路縣隸之靖

康後入于金

明一統志宋自郭城徙今治舊通志云後漢徙

金初屬次府建雄軍節度使河東南路大定七年改神山為浮

山縣天會六年陞總管府置轉運司為上府興定四年更名

為忠孝

府舊志

金屬河東總管

元初屬平陽路總管府上府大德九年以地震改為晉寧路總

管府縣隸焉仍名浮山縣

明洪武辛丑改晉寧路為平陽府隸山西布政司

清朝因之編戶

舊十八里今八里

浮山縣志

卷二

沿革

三

民國成立府治取消縣隸屬河東道十六年道廢直隸省府

附考

崔緝熙

浮山在戰國時屬韓

韓哀侯自平陽徙鄭子懿侯九年魏敗韓澮

括地志翼城縣有澮山澮水出此然

今觀之乃翼之東水與浮之南下水相會而成流也地名河口

從來皆以此地屬魏是以有

故 正義注魏敗我澮說是在陵州何以他澮不到陵州此

澮就到陵州呢此其可疑之點注家不確者一

陵州會無源大雨三月溝

澮皆盈之義正義心中不安故頻注此

按趙世家亦有魏敗我澮之文似此與

韓世家無異辭何以韓世家澮說在陵州趙世家澮就不在

陵州呢蓋唐張守節以韓只有河南地無有河東平陽地如

此分別異注後人祖之奉爲圭臬也 不過陵州是魏地非韓地張守節之心理要以陵州之澮爲魏則無可議若以爲韓則猶未妥也 又六國表列魏伐韓澮與代趙澮是同年一事一時並敗之不得謂之異地同到陵州則河東之澮尙未敢確定是誰屬即同在河東亦不能輕指爲屬誰何得因此一異注而強制以定案也 趙惠文王時秦白起敗我華陽華陽在鄭畿內是韓地於此敗趙連國合兵常事當日列國相攻伐其與國恒有佐攻趨救之時如秦敗韓魏于伊闕虜三晉將于華陽不必定在已地也惟拔某城取某地則實當其地矣 如趙成侯五年魏敗我懷魏安釐王九年秦拔

我懷而懷則魏地非趙地何獨于澮而疑之韓世家曰敗我澮魏世家曰敗韓于澮輕重見矣是澮不得謂魏地也趙敬侯五年齊魏爲衛攻趙 六年借兵于楚伐魏取棘蒲則合兵佐攻爲有矣

韓哀侯都鄭後四傳至桓惠王九年秦白起始拔韓陘城汾旁地是秦昭王四十三年事昭王孝公孫惠王子武王弟去魏惠王之世已歷數代且除了武王各王年紀又甚長是韓之河東地失最後陘城汾旁去翼不遠又均在乾河最北而謂翼與澮全歸趙魏不知于何見之 案魏世家惠王九年伐敗韓澮十年取皮牢無有敗趙于澮之文而韓世家敗我

澮與魏世家兩兩對照詳畧各異亦是一疑點 三世家澮役都在一年六國年表韓趙同載魏世家只載韓又不載趙可見韓爲主趙爲輔也又不得謂趙地是魏伐韓趙來助而同敗也趙世家敗我澮取皮牢連書 皮牢在龍門縣白起傳曾注明此處復不知何在云當是澮水之側何自相矛盾若是 注家不明也張守節正義錯認不足信

尤可笑者楚懷王六年柱國昭陽將兵破魏于襄陵取八邑 索隱注云是河東邑 夫楚在何處河東在何處無論隔有魏韓此時安

邑已降服秦 孝公十年安邑降秦 而謂楚又能越安邑而取河東內地

乎各縣志言平陽屬魏皆此一語誤之也

浮山縣志

卷二 沿革

五

魏文侯三十五年齊伐我取襄陵集解已引徐廣說是南平陽之縣何至楚世家破魏襄陵索隱又謂是河東地乎 列國相攻伐還是在邊界上呀還是在內地裡呢 從楚伐魏不得到河東齊伐魏向南不西行可知諸侯圍襄陵也不得至河東內地則魏世家之襄陵地點可知若是晉州還當越邯鄲也

魏文侯三十五年齊伐魏取襄陵徐廣旣說是南平陽又說即今河南襄邑縣師古云宋襄公陵所在蓋在戰國時名襄陵也是齊伐魏只可在邊界不能踰河涉漳不顧趙魏之當其中西斷大行上黨越國而至平陽也梁惠王十九年諸侯

圍襄陵襄王十三年楚伐魏至襄陵雖非一地而要非晉州平陽之襄陵也

田完世家威王二十六年魏惠王圍邯鄲趙求救于齊段干

朋輿鄒忌子辯論曰直趨邯鄲而軍其郊不如南伐襄陵以

弊魏

正義注兗州鄒縣也

孫臏之救趙也直趨大梁批吭擣虛形格勢禁而自解段干朋之說亦猶是也觀其所言尚不欲直趨邯鄲况又越邯鄲而西耶故齊之伐魏至河東此必無之事審是則魏世家之齊伐我至襄陵是鄒縣無疑

或者又以爲魏世家齊伐襄陵魏文侯時事齊世家齊伐襄

陵齊威王時事年歲不對不得指爲一事然三家分晉是趙之敬侯十一年魏之武侯十一年韓之哀侯元年齊之威王二年魏文侯死十年矣是時三家還未分晉何得謂之齊伐我乎不過文侯之世西門豹已守鄴可見三晉之勢已大張者也

若謂河東在戰國已有襄陵是文侯之世已然三家初魏已有平陽各縣志言先屬韓後纔屬魏又何說耶

文侯三十五年齊伐襄陵三家分晉在文侯死後若謂這襄陵是河東今襄陵是平陽始終皆屬魏不得謂之平陽先屬韓也

若謂平陽先屬韓則這襄陵必不是河東襄陵既不是河東襄陵則河東當時無襄陵矣

前漢書地理志河東郡有襄陵縣陳留郡則曰襄邑莽曰襄平潁川郡則曰襄城後漢書郡國志豫州潁川郡亦曰襄城彼此各為易名前後皆殊將謂南平陽之襄陵與鄒縣之襄陵為皆無乎則史記所傳不足信而後之注釋家作志家為可憑矣

白起傳秦昭王十四年取韓安邑以東到乾河郭璞謂在聞喜即古曲沃界也言安邑東北為韓地乾河上游也索隱注于韓字上加一故字後人改前書大失注家之資格

韓哀侯六傳至桓惠王九年即秦昭王四十三年秦拔韓陘

浮山縣志

卷二 沿革

七

城汾旁

正義注在絳州曲沃縣東北白起傳亦云擊韓之陘城拔五城斬首五萬此則韓之河東地秦本紀是九城

秦昭王四十五年秦拔韓上黨明年白起破趙于長平秦將張唐攻韓鄭拔之益發卒軍汾城旁攻晉軍斬首六千晉卒流死河三萬人秦昭王五十年事平陽全入于秦矣

春秋之平陽比並於楊氏是縣戰國之平陽為韓之首都就在翼故曰絳水可以灌平陽言曲沃者不要認成今曲沃猶之言平陽不要心中有今平陽方瞭然也

當日之邑極小非如今之縣比大約如今之區地耳若韓之平陽早已入魏則陘城汾旁一區之地要此何用人亦遺之

何故又况餘外猶有汾城旁地乎

始皇本紀十三年桓齮攻趙平陽

正義注括地志云平陽故城在相州臨漳縣西二十

五里又云平陽戰國時屬韓後趙舊各縣志之言平陽

先屬韓後屬趙者乃取此一語但此是說相州之平陽可不

是說晉州之平陽

在正義注括地志云宜安故城

十四年攻趙軍于平陽取宜安

在常山注括地志云宜安故城

也破之殺其將軍桓齮定平陽武城

正義注即貝州武城縣是也七國時趙邑

此平陽即在武城之近猶云平陽之

武城年表亦云秦攻武城是平陽

家世

趙幽繆王遷二年

秦攻武城

注徐廣云年表曰秦敗我平陽

也南皆不是河東平陽

注家則不錯志書誤引之遂以河東

之平陽屬趙也

